

و حقوقی اصلاح و تفسیق ایمنش و بویکونی جمعیت منمده بشریه دولت
امنیت داخلی و خارجی بی تکلفه و انسجام جمعیتی ترصینه مدار حقوق
و وظائف اصلی بی تخصیص ایده رک؛ دولترک ماضی ده ایفا ایلیه کلدگری
برجوق مشاغلی - بونی اجرایه کسب اهلیت ایدن - اهالی به ترک و احاده
ایله، دولتره باشلیجه مقصد تشکلی امور بی ابقا، و بونک مکملیت تدور بی
تأمینه ساعی اولمشدر. اوللری حکومت، مناقلات، مخبرات، مطبوعات،
صنایع و تجارت، مذاهب و معارف و سائر امور بیله موظفیتدن ناشی، بوکا
متعلق برجوق حقوقه مالک ایدی. وظائف و حقوقک بوکرت و قاریشقلنی
حسن جریان و اداره لر بی مفلوح، و برجوق مرضی حالاتک نشو و نماسته
زمین مساعد تأسیس ایدیوری. سویه فکریه سی و استعداد و اهلیتی ترفع،
احتیاجاتی تزايد ایدن جمعیات منمده بشریه، حکومتک بویله کثیر وظائف
و حقوقه صاحب اولماسته - باخصوص بونلرک سوء استعمال و نقصانیت نظمینه -
مساعد اولمادیشدن بو وظائف آهسته، آهسته، قسماً و یا کلیاً - بعض
خصوصاته حکومتک بالکیز مظاهرتی محافظه ایده رک - ملته احاده ایدلری.
بو وظائفده باشلیجه سائق و محرک ادراک احتیاج و منفعتدر. بویله لکله حکومت
متصلاً وظائف فرعیه سندن قورتولاروق وظائف اساسیه سی حسن تدویره
امکان بولمه مطوف اولمشدر. بو حرکت عمومی و موافق مصلحتدر.

هرجهتجه متجانس دولت و ملت رجه احیا و تمقیب اولونان بواصول،
بزم قراللمز کبی دولترجه ده زیاده ودها بعیرتکارانه ادامه اولنسی امر
طبیعیدر.

بزم حکومتک، وظیفه سی حسن ادا ایچون اهالینک احتیاجات و منافع
مادیسی نظمینه باشلیجه وقف دقت ایده رک، مشاغلی اوکا کوره حصر و توزین
ایتمی لازمدور.

بز، عرقاء دینا، عرفانا، حساً مختلف طبایعه اولدینمزدن، استراحت
و امنیت داخلی و خارجی بی تأسیس و ادامه ایتمک ایچون حکومتک برصنفت
اهالی بی مظاهره مادی برطرز اداره و سیاسی اولامایه جنی کبی، مشاغل

و وظائف منویه مزه میل مداخله و مراقبه سی ده اولماملیدر. عکس تقدیرده
کندینه سوء قصد ایتمش اولاجقدر. فکراً و حساً هر و دیگرلرک حربته
رطایشکار، ماده اسباب و امکان تعالیسی متکفل، - هانکی عرق و دینه
مقسوب اولورسه اولسون - وطنمزه متمکن هر برصنفت و فرداهالی، بالکیز
وظائف ضروریه سیله منوغل بویله بر حکومتک رصین استنادگاه رئیس
اولاجقدر. بزم کبی بر دولت، وظیفه و موقعی بحق مدرك ایه، وطنمزه
صلاح و امنیتک ضامن و عصری حکومتک انمودجی اولمیلیدر. بزم آرزو
و تمی ایندیقمزده بودر.

وطنمزه اسلاو، جرمان، لاتین و توران عرقلرندن متعدد قیملر و
قسماً متضاده، مختلف عثمات اعتقادیه، تاریخیه، ملیه و حسیه بی متوارث
مهمجه کتله لر واردر. بزم حکومت، جمله سینه استناداً و هیسنک حریت
و سربستی، انکشافی تطمیناً حرکت ایتمه یوب بالکیز بر عنصرک هوسات
و احتراصاتی یوروتمک میال اولورسه، دیکنلی و جوقورلی بر بوله توجه ایتمش
اولاجقدر.

بزمه، حسن نیت و مهارت اداره و سیاسی اولنجه، اسوچرمدن ده
زمانی، دنیانک محبت و توجهی جاذب، هم حدود دها بر ایکی الکایی نفوذی
دائرة سینه ربط و تمثله صالح، آدریاتیک - آطه لر و قره د کزلره ساحل و اوروپانک
منابع طبیعه نرونیله اک زنکین بر قطعه سینه صاحب، بر دولتک تشکلی امکان
موجوددر. بزم، احتیاجات و طبیعتک تطمین آرزو ایندیقمز قدر، دولتمزک
اعلای حال و استقبالی ده طلب ایندیقمزدن، اسلام مکاتب و معارفک استقلال
تمی، حکومت ایچنده حکومت تأسیسی دکل، بالعکس، حکومتک ترصین
و تقویه سی انتاج ایلر.

خلاصه ایده یم: دولتمز قوی وزنده، عظیم و مترقی اولمق ایسترسه حریت
و سربستینک قانونیت و مساواتک و مساعده کارانک اک ای حارثلرندن اولمیلیدر.
هرشی مساعده اولسه بیله، بلذات بز کندیمز، اوقاف، معارف، دینی
و شرعی امور مزی، حیات استقلال و مختاریته، بحث ایندیقمز طرز و درجه ده،